

「國家社會科學基金重大項目」

何建明 主編

中國地方志
佛道教文獻匯纂

人物卷

(42)



國家圖書館出版社

【國家社會科學基金重大項目（11&ZD119）】

中國人民大學佛教與宗教學理論研究所

何建明 主編

中國地方志
佛道教文獻匯纂
人物卷
(42)

國家圖書館出版社

中國地方志佛道教文獻匯纂·人物卷
浙江省 嘉興市

海鹽縣志

清·彭孫貽 童申祉纂
清康熙間修 稿本

仙釋

晉世有不知姓名道人常齋一杖一箱自隨忽詣縣
向令乞一人給使自選取守犒鴨小兒形服最醜者
將去時已過暮道人令小兒提杖行但聞足下波浪
倏忽之間至一山上山上有屋屋中有三道人相見
欣然共語至中許主人以一小甌食與小兒狀如漿
艾食之饑止向牒道人欲還屋中人作書付道人云
奇廣陵白土埭上史宗道人以書付小兒比曉便至
縣與令相見云欲少日停此道人在聽事上止服以
箱杖著牀頭令欲偷取存何物道人已知搬高懸當

下而卧永不可得後與令韓曰吾欲小停而君恒欲偷人正爾使去耳今呼小兒問知道人先所經并說山中所寄書尚在衣箬令聞者多不解乃令人將此小兒至白土埭訪史宗送之宗開書大驚曰汝那得蓬萊道人書耶宗著麻衣身多瘡疥性調不恒在白土埭凭埭謳唱引絳得直隨以布施人棲愁無定時或隱或顯後遊吳會止上虞龍山不知所之先道人與山中三道人共語謂宗謫限當竟矣亦小見云

事出閩湖明
梁慧校記傳

徐孺少有道術能收伏邪精錢塘杜氏女患邪疾為

作術召魅卽見丈夫著白帔葛單衣入門嚮一叱之
卽成白龜一旦與羣從兄弟數人登石崎山斫春柴
日暮夢獨不返明旦尋覓見夢在山上腋挾鐮倚樹
而不動或向前抱惟有空殼今天仙湖卽夢故宅也

張君唐玄
七籤洞仙傳

梁陸逸冲字敬遊陶隱居弟子誠慤恬澹志遠栖逸
齊永明中隱居遯跡第山偕逸冲於西嶺立華陽館
經始道靖七年而後告成盡逸冲之力也隱居嘉其
勤勸名為栢靜處士作十齋文策之而許長史碑陰
手書上清衆館弟子亦以逸冲稱首焉

五代譚峭字景升遊名山得辟穀養氣之術夏裘冬
絮伏巖風狂嘗著化書宋齊丘欲竊為已有醉之酒
縫筆囊中投之江金山漁者得而刳之見峭方醒張
目曰齊丘奪我化書今盛行矣遂去不復見峭本泉
州人國子司業洙之子邑中有譚仙嶺相傳是其煉
藥得道處仙鑑載峭有詩線作長江扇作天報鞋拋
向海東邊蓬萊元是無多地只在譚生拄杖前此尤
其寄跡海嶠之證

按王文祿文獻志及仇俊紳縣志載成化間還善
橋居人陸麒家懸呂仙翁像一日隣人膝晨見仙

翁從樓窓中出冉冉向東北杲雲渡海去萬曆五
年秋七月巡撫徐公棧築塘海水忽清有不冠不
履異人指示方略云潮旦大至嗣吳異潮衝入而
所築塘竟無恙公上疏言其事見海塘銘中又有
沈達者妻滿病瘵不起達嘗道人面有二口者曰
能救爾妻果有道人從海外至臍滿立起索酒痛
飲忽不見今喜譚修真士麟者即達孫也是知吾
邑仙窟不遠異人必從海上來耶

吳康僧會本康居人赤烏中為吳大帝祈獲如來舍
利由是佛教始行江南茲方金粟亦會所建也會尸

解後真身一現永欣再現金粟奇骨瘦露舉手如揖
足踰如欲行眉間時放光明顯靈異之跡洪武二十
年詔移歸金陵天禧供養

梁釋法寵姓馮氏少有絕俗之志納妻半歲即捨家
入邑之光興寺遂出都徧學經論嘗預齊竟陵王西
邸義集梁武時御講推寵坐首號上座法師資賜不
絕初都下有法願道人善相術謂寵年滿四十當死
惟禮懺可免遂還海鹽光興禮懺至四十歲暮之覺
兩耳腫痛彌信死促忽聞戶外有人言曰君死業已
盡開戶無見及審耳痛乃是生骨後壽至七十四歲

弟子慧開亦本縣人多從酒誼博奕自娛而演析教義應變不窮後有沙門智果亦住光興清直平簡善諸經術

唐釋慧因姓于氏晉太常寶之後陳時繼辦法師傳燈長干徐陵毛喜咸歸慕首隋仁壽中為定禪寺知事上座唐初居大莊嚴寺預十大德之選蕭瑀沈叔安皆誥叩焉嘗感冥司召講大品般若經七夕蘇云有兩束絹為嚙遺學徒檢箱內果得之弟子法仁有名聞學亦邑人也

良準者大中咸通間法喜寺僧也業四分律慧行精

通有塔壘本寺樓烏不止時放瑞光循志輯其隱顯
不常疑為聖賢之應化焉

後唐釋慧稜姓孫本邑人童龕日於通元寺登戒後
游閩嶺謁雪峯頓明本性闍主召住長樂府長慶院
號起覺大師得度者不減一千五百衆

宋蔣十八居士與其妻念二孺人日誦大乘經斷除
嗜欲積四十年同日洗漱更衣焚香書頌而終居士
頌曰這箇幻身四大合成今日分散各歸其根諸幻
既滅灰飛烟絕如空中風猶碧天月既無障害又能
皎潔一切永斷無復言說孺人頌曰看過蓮經萬四

千平生香火有因緣西方自是吾歸路風月同安眠
若船

元僧真諦住德藏寺執樵汲役初未測其異也一日
楊連真伽率衆過寺將往殯陸左丞女朱提舉夫人
墓肆淫穢時楊衆百餘各執斧鉞耕植蜂擁左右真
諦忽現神力大怒呼呼掣韋馱尊者所執杵在手耀
身丈許亂擊之狀如隼撇虎騰不可抵禦衆盡傷諸
械亦寸段楊以為神不敢問徑入墓竟得全諦後行
脚峨嵋翁不知所終

竹菴禪師可觀雲間戚氏子十三祝髮學天台教歷

錢塘南屏車谿等山尋還當湖德藏講寺謝事竹菴
置山月池松風臺一日儼然而化春秋九十一有山
家義苑菊坡寺集傳於世

石屋和尚清瑛常歆溫氏子出家本州崇福寺二十
祝髮徧遊天目淮陽遇二高僧叅悟禪旨後請住持
當湖福源禪寺隱歸天湖至正間詔降香幣皇后賜
金襴衣榮之又因高麗國王表達詔謚佛慈慧照禪
師有上堂法語山居偈頌行世

張與材龍虎山正一天師三十八代孫貞元中潮嚙
鹽官海鹽兩州為患特甚奉詔至鹽以術治水一夕

大雷震電明日見有物魚首龜形磔於水裔潮退遂

息見元史

僧明本號中峯錢塘人聰悟博覽為文援筆立就四方士大夫從游者衆仁宗賜號廣惠禪師文宗賜謚智覺元統中命學士揭傒斯序其廣錄入禪常住祐

福禪庵即今海門寺

見董穀澗水志圖經失載

明楚石禪師梵琦幼出家天寧永祚禪寺閱楞嚴有省詣徑山元叟端禪師誥決叟知其堪負荷令自證會元英宗詔徵入都一夕聞絃樓上鼓聲忽徹見徑山為人處由是徧主法席名滿裔夏晚歸天寧築西山

齋退老明興再被詔徵說法蔣山恩禮甚隆洪武三年復徵入問鬼神事館天界寺沐浴更衣書偈而逝奉詔歸塋本寺大雄殿西北塔院即師所居西齋也元錢惟善日曹溪五派臨濟下妙喜遞傳元叟而師嗣之實妙喜第五世的骨孫也五十年間六坐道場有六會錄流布叢林電拆霜開金聲玉振而姚少師廣孝亦謂師平昔於淨業一門至老力行不懈復立言轉化四眾近雲棲宏禪師弘闡往生便門推琦為國朝宗師第一謂所著淨土諸作宜並入梵夾唱誦昏俗至和陶等詩北游集又其戲墨之餘焉

惟則字天真本吳興費氏子出家澈川佑聖寺嘗稱
叅名宿皆因緣不契後聞匡廬無極源公為雪巖欽
公法嗣往往扣之鍼芥忽投豁然大悟歸佑聖開講
席千緇圍繞得證者甚眾洪武初嘗薦預法事以足
疾賜歸一日忽告衆曰吾去矣侍者請偈厲聲曰平
常說的不是耶即瞑目逝有冰檠禪師語錄行世高
足景隆亦著有語錄時又有比丘尼宋醒者十一歲
出家因無際禪師引叅師師舉狗子無佛性語言下
有悟舊志謂其深得圭峯奧旨云

法聚資聖寺僧嘗結庵澈湖荆山竺產座下人號玉

芝和尚後移錫武康天池示寂聚初投偈於王陽明
先生陽明有答人問良知詩即聚也晚與王公畿蔡
公汝楠唐公樞董公涇父子共證儒釋大同之旨

寶珠和尚常游杭嘉二郡冬夏一衲乞食自活宿無
恒居平時惟念佛不絕口人喚之纔應對即連聲念
佛更無雜語後於海門寺忽若顛狂者將半月餘僧
呵曰爾平生實行當與世人作眼目何得乃爾珠曰
既如是吾行矣索浴畢安然立化

出雲樓
先生集

天寧僧秀碧峯者自幼即不茹葷每日五鼓起誦經
禮佛無間寒暑衆中最名有戒行嘉靖壬寅秋忽得